



## XALQ DEPUTATLARI BALIQCHI TUMAN KENGASHI QARORI

2024 - yil 25 - yanvar

VI-42-7-1-18-K/24

Baliqchi tumani hokimligi

### **2023 yil davomida Baliqchi tumanidagi davlat organlari va tashkilotlarida huquq ijodkorligi faoliyati va huquqni qo'llash amaliyoti holati yuzasidan tuman adliya bo'limi boshlig'i S.Soloxiddinovning axboroti to'g'risida**

Baliqchi tuman adliya bo'limi tomonidan 2023-yil davomida, O'zbekiston Respublikasi Prezidentining 2018-yil 13-apreldagi PQ-3666-sonli qarori bilan tasdiqlangan "O'zbekiston Respublikasi Adliya vazirligi to'g'risida"gi Nizomda belgilangan vazifa va funksiyalar ijrosi doirasida muayyan ishlar amalga oshirildi.

Jumladan: Norma ijodkorligi sohasida amalga oshirilgan ishlar yuzasidan: Adliya bo'limiga 2023-yil davomida tuman hokimligi hamda Xalq deputatlari tuman Kengashi tomonidan huquqiy ekspertizadan o'tkazish uchun jami 9 ta qarorlari loyihalari taqdim etilgan bo'lib, mazkur qarorlar loyihalariga bo'lim tomonidan ijobiy xulosalar berildi.

Shuningdek, 2023-yil davomida hokimlikda norma ijodkorligi faoliyati sohasida monitoring o'tkazish yo'li bilan qabul qilingan hokim qarorlari va farmoyishlari, Xalq deputatlari tuman Kengashining qarorlari monitoring qilib borildi.

Bo'lim tomonidan qonunchilikni takomillashtirish yuzasidan 15 ta takliflar ishlab chiqildi.

Huquqni qo'llash sohasida o'tkazilgan nazorat tadbirlari bo'yicha: Bo'limning 2023-yil yillikka mo'ljallangan ish rejalari asosida davlat organlari va tashkilotlarda 45 ta o'rganishlar hamda 16 ta monitoring tadbirlari o'tkazildi.

Nazorat tadbirlar natijasida 2000 dan ortiq qonun hujjatlari buzilishi holatlari hamda xato-kamchiliklar aniqlandi. Mazkur qonunbuzilishlari sohalar kesimida tahlil qilinganda, ta'lim yo'nalishida 1504 ta, soliq yo'nalishida 49 ta, sog'liqni saqlash yo'nalishida 119 ta hamda boshqa yo'nalishlarda 196 tani tashkil qiladi.

Aniqlangan qonunbuzilishlar yuzasidan bo'lim tomonidan aniq va keskin ta'sir choralari o'z vaqtida qo'llanib borilmoqda. Xususan, aniqlangan huquqbuzarliklarga yo'l qo'ymaslik, ularning sodir etilishiga ko'maklashuvchi sabablar va shart-sharoitlarni bartaraf etish to'g'risida jami 74 ta bajarilishi majburiy bo'lgan taqdimnomalar kiritildi, shuningdek davlat organlari va tashkilotlariga, fuqarolarning o'zini-o'zi boshqarish organlariga qonun hujjatlarining buzilishi mumkin emasligi yuzasidan 2 ta ogohnomalar berildi. Taqdimnomalar ijrosi ta'minlanib, 2 350 dan ortiq noqonuniy hujjatlar bekor qilindi va qonunchilik hujjatlariga muvofiqlashtirildi, 1 436 756 000 so'm to'lanmagan ish haqlari va boshqa to'lovlar qayta hisob-kitob qilindi.

Vakolatli idoralarga 37 ta ma'muriy javobgarlikka tortish bo'yicha takliflar kiritildi.

Huquqiy targ'ibot yo'nalishida: Tumandagi huquqni muhofaza qiluvchi idoralar bilan hamkorlikda mahallarlarda uyma-uy yurish yo'li orqali hamda tumandagi tashkilot va muassasalarda inson huquqlariga oid, korrupsiya va huquqbuzarlik profilaktikasiga oid, giyohvandlik va og'ufurushlikka qarshi kurashishga hamda ushbu salbiy xolatlarni oldini olishga oid 350 dan ortiq manzilli tag'ibot tadbirlari amalga oshirildi. Shundan 200 tasi mahallarda, 49 tasi ta'lim muassasalarida, 66 tasi mehnat ja'moalarida, qolgani boshqa joylarda o'tkazildi. Amalga oshirilgan tag'ibot tadbirlari davrida 1270 nafar tinglovchilar qamrab olindi.

Bundan tashqari, bo'lim xodimlari tomonidan jismoniy shaxslar va yuridik shaxslarning vakillarini qabul qilish jarayonida jami 132 ta yozma va og'zaki murojaatlar (ariza va shikoyatlar) kelib tushgan. Murojaatlarning barchasi tasi hal etilgan bo'lib jumladan, mazkur murojaatlarning 97 tasi qanoatlantirilib, 35 ta murojaatlar bo'yicha mualliflarga huquqiy tushuntirish berilgan. Murojaatlarni o'rganish natijasida sudlarga 57 ta (1 103 584,0 so'mlik) da'vo ariza va arizalar kiritilib, fuqarolarning huquqlari sudlarda himoya qilindi.

Sessiya kun tartibidagi masala yuzasidan O'zbekiston Respublikasining «Mahalliy Davlat hokimiyati to'g'risida»gi Qonunining 6-, 19-, 24- moddalariga asosan Xalk deputatlari Baliqchi tuman Kengashi

### **Q A R O R Q I L A D I :**

1. 2023 yil birinchi yarim yilligi davomida Baliqchi tumanidagi davlat organlari va tashkilotlarida huquq ijodkorligi faoliyati hamda huquqni qo'llash amaliyoti holati va Huquqiy targ'ibot yo'nalishi yuzasidan tuman adliya bo'limi boshlig'i S.Soloxiddinovning axboroti ma'lumot uchun qabul qilinsin.

2. Tuman hokimining o'rinbosarlari, tuman hokimligi devonxona mudiri J.Sattarov, bosh yuriskonsult A.Ortiqovga:

- ish yuritish va ijro nazoratini tashkil etish, mehnat intizomini nazoratga olish;
- qonun buzilishi holatlarini keltirib chiqarayotgan sabablarni aniqlashga asosiy e'tiborni qaratish va oldini olish;
- idoraviy nazoratni kuchaytirish;
- noqonuniy qaror qabul qilishga barham berish choralarini ko'rish;
- normativ-huquqiy tushdagi qarorlarni belgilangan tartibda adliya bo'limidan huquqiy ekspertizadan o'tkazish;
- hokimlik xodimlarining norma ijodkorligi va qarorlar loyihalarini tayyorlashdagi kasb mahorati va malakasini oshirish;
- davlat xizmatchilarining huquqiy bilim darajasini oshirish;
- hokimlik yuridik xizmati faoliyatini yanada takomillashtirish bo'yicha aniq chora-tadbirlar asosida ish tashkil qilish;
- fuqarolarni o'zini o'zi boshqarish organlari bilan samarali hamkorlikni yo'lga qo'yish hamda ular faoliyatini amalga oshirishga har tomonlama ko'maklashish vazifalari topshirilsin.

3. Xalq deputatlari tuman Kengashi kotibiyati (O.Ismailov)ga Oliy Majlis Senati tomonidan qabul qilinayotgan yangi qonunlarning muhokamasi jarayonida, qabul qilingan qonunlarning ijrosi yuzasidan tuman adliya bo'limi va deputatlar hamkorligida uchrashuvlar, sayyor yig'ilishlar, muhokamalar hamda o'rganish tadbirlari o'tkazish yo'lga qo'yilsin.

4. Tuman adliya bo'limi boshlig'i (S.Soloxiddinov)ga mazkur sohada olib borilayotgan ishlar samaradorligini oshirish maqsadida hokimlik xodimlari ishtirokida o'quv-amaliy seminarlar o'tkazish tavsiya etilsin.

5. Mazkur qarorning bajarilishini nazorat qilish xalq deputatlari tuman Kengashining Qonuniylikni ta'minlash va korrupsiyaga qarshi kurashish masalalari bo'yicha doimiy komissiyasi zimasi yuklatilsin.

**Xalq deputatlari Baliqchi  
tuman Kengashi raisi**



**J.Abdurayimov**